

潛

夫

論

一





論 夫 潛
(一)

撰 符 玉
箋 臣 繼 任

潛夫論

本館據湖海樓叢
書本排印初編各
叢書僅有此本

潛夫論三十五篇。行世本譌奪錯簡。夢如散絲。范史所載僅五篇。又經蔚宗刪改。元和姓纂。太平御覽。路史諸書。每有徵引。淮別滋多。唐宋以來。久無善本。求是去非。蓋其難也。昔者吾友汪主事。因可。績學超奇。通心而敏。會萃舊刻。網羅佚聞。宏覽雅言。審定文讀。草創於嘉慶己巳庚午閒。時紹蘭讀禮家居。晨夕化我耳。剽緒言。頗詳。辛未服闋。握手河梁。方諄諄以鹽鐵論託其校勘。答言。繡就是書。續行屬草。鄭重而別。江關閒闊。忽忽者七八年。紹蘭奉職無狀。罷官歸。而因可墓有宿草。鍵戶省愆。故人長往。庭蒿門雀。不復聞空谷足音矣。一日。陳子東爲告。以因可書久成。已爲代謀剗削。因眎之書而屬之敍。受而讀之。竊悲因可豐於學。嗇於年。又喜其能以書自延其年。東爲愛因可。莫能助之年。而能行其書以延其年。斯可貴也。它日徧讀之。歎其解謬達悌。傳信闕疑。博訪通人。致精極覈。且能規節信之過。而理董之。自稱曰箋。宗鄭申毛之義。意在斯乎。惟采及芻言。是謂狐裘羔裘。卽如斷訟篇。誅率公羊隱五年。衛師入盛傳。君將不言率師。書其重者也。何休注云。分別之者。責元率。當時未舉以相告。又如志氏姓篇。羣疑是裴。尙有風俗通裴氏伯益之後。見後漢書桓帝紀注。亦未引證。則紹蘭之疏略可知。今索居多暇。溫尋舊文。又得如千條。要皆議說。調言。無裨百一。九原不作。質正末由。紹蘭竊自惟質鈍學荒。罕問揚雄奇字之亭。莫窺蔡邕異書之帳。又無西州漆簡之授。徒諷南閣篆文之遺。深慕禮堂寫定之勤。殊媿任城墨守之陋。是以瑟縮經年。不能下筆。東爲敦迫不已。重其嗜古籍。竺故交。迺略書原委。附錄鄙說於後。勉副盛心焉。嘉慶己卯秋七月王紹蘭序。

浮侈篇於彈外不可以禦寇內不足以禁鼠 於當爲其太平御覽兵部引作其彈外不可禦盜內不足禁鼠

校飾車馬多畜奴婢 鹽鐵論散不足篇今富者連車列騎驂貳輻輳中者微輿短轂煩尾掌蹄夫一馬伏櫪當中家六口之食亡丁男一人之事又云今庶人富者銀黃華瑤結綬輶輅中者錯鑣塗采珥斬飛輪又云今縣官多畜奴婢坐粟衣食私作產業爲姦利百姓無斗筭之儲官奴累百金黎民昏晨不釋事奴婢垂拱敖游也此車馬奴婢浮侈之證

王符潛夫論行於今者有明程榮本何鏗本何本出於程不爲異同別有舊本與白虎通德論風俗通義合刻風俗通義卷首題云大德新刊三書出於同時蓋元刻也元刻文字視程本爲勝邊議巫列相列夢列釋難諸篇簡編脫亂不如程本其務本遇利慎微交際明忠本訓德化志氏姓諸篇各本脫亂並同以意屬讀得其端緒因復是正文疏證事辭依採經書爲之箋註謹案王氏精習經術而達於當世之務其言用人行政諸大端皆按切時勢令今可行不爲卓絕詭激之論其學折中孔子而復涉獵於申商刑名韓子雜說未爲醇儒然符以邊隅一縫掖閔俗陵替發憤增歎未能涉大廷與論議以感動人主又不得典司治民以效其能獨蓄大道托之空言斯賈生所爲太息次公以之略觀者已是本以元刻爲据其以別本及他書所引改補者曰舊作某据某本某書改舊脫某据某本某書補其以已意改補者止曰舊脫某舊作某采獲衆說各稱名以別之嘉慶十有九年歲在甲戌三月汪繼培序

潛夫論目錄

第一卷

讀學第一

務本第二

遏利第三

論榮第四

賢難第五

第二卷

明闇第六

考績第七

思賢第八

本政第九

潛歎第十

第三卷

忠貴第十一

浮侈第十二

慎微第十三

實貢第十四

第四卷

班祿第十五

述赦第十六

三式第十七

愛日第十八

第五卷

斷訟第十九

衰制第二十

勸將第二十一

救邊第二十二

邊議第二十三

實邊第二十四

第六卷

卜列第二十五

巫列第二十六

相列第二十七

第七卷

夢列第二十八

釋難第二十九

第八卷

交際第三十

明忠第三十一

本訓第三十二

德化第三十三

五德志第三十四

第九卷

潛夫論 目錄

志氏姓第三十五

第十卷

敘錄第三十六

潛夫論卷第一

漢王符撰

清蕭山汪繼培箋

讀學第一

天地之所貴者人也。

孝經子曰：天地之性，人為貴。春秋繁露人副天數篇云：天地之精，所以生物者，莫貴於人。荀子王制篇云：水火有氣而無生，草木有生而無知，禽獸有知而無義，人有氣有生有知，亦且有義，故最為天下貴也。

聖

人之所尚者義也。

論語子曰：君子義以為上，尚與上通。

德義之所成者智也。明智之所求者學問也。

漢書董仲舒傳云：彊勉學問，則開見博而知益明，知與智通。

雖

有至聖，不生而知。

論語子曰：我非生而知之者，好古敏以求之者也。

雖有至材，不生而能。

說苑建本篇子思曰：學所以益才也。

故志曰：黃帝師風后。

史記五帝紀云：黃帝舉風

后。

顓頊師老彭，帝嚳師祝融。

鄭語史伯云：黎為高辛氏火正，以淳燂敦大，天明地德，光照四海，故命之曰祝融。韋昭注：高辛，帝嚳，黎，顓頊之後也。

堯師務成。

白虎通辟雍篇云：帝堯師務成子，按荀子大略篇云：

堯學於君囑，舜學於務成，昭新序雜事五又作務成跖。

舜師紀后，禹師墨如。

盧學士文昭云：墨如，疑是墨台，繼培按：路史後紀四云：禹有天下，封怡以紹烈山，是為默台，國名紀一云：怡，一曰默，怡即墨台。禹師墨如，或云墨台。

湯師

伊尹。

呂氏春秋尊師篇云：湯師小臣，高誘注：小臣，謂伊尹。白虎通云：湯師伊尹。

文武師姜尚。

呂氏春秋云：文王武王師呂望。白虎通云：文王師呂望，武王師尚父。史記齊世家云：太公望呂尚者，本姓姜氏，從其封姓，故曰呂尚。

周公師

庶秀孔子師老聃

白虎通云孔子師老聃

若此言之而信則人不可以不就師矣

昭十九年穀梁傳云纘貫成童不就師傅父之罪也

夫此十一君者

皆上聖也猶待學問其智乃博其德乃碩

博碩韻淮南子秦族訓云人莫不知學之有益於己也然而不能者嬉戲害人也人皆多以無用害有用故智不博而日不足詩簡兮云碩人俣俣毛傳碩人大德

也而況於凡人乎

呂氏春秋云此十聖人六賢者未有不尊師者也今尊不至於帝智不至於聖而欲無尊師奚由至哉新序云此十一聖人未遭此師則功業不著乎天下名號不傳乎千世此言十一君名與新序同

是故工欲

善其事必先利其器

論語

士欲宣其義必先讀其書

舊作智據魏徵羣書治要改孟子云誦其詩讀其書說文云誦誦書也

易曰君子以多志前言往

行以畜其德

大畜象詞志王弼本作識釋文云劉作志按周禮保章氏鄭康成注云志古文識

是以人之有學也猶物之有治也

韓詩外傳二云玉不琢不成器人不學不成行家有千金之玉

不知治猶之貧也良工宰之則富及子孫君子學之則爲國用

故夏后之璜

定四年左傳云分魯公以夏后氏之璜淮南子精神訓云有夏后氏之璜者匣匱而藏之寶之至也

楚和之璧

韓非子和氏篇云楚人

人理其璞而得寶焉遂命曰和氏之璧

雖有玉璞卞和之資

史記鄭陽傳云卞和獻寶

不琢不錯

說文云厝厲石也經典多假借用錯

不離礪石

楚辭惜誓云相與貴夫礪石王逸注小石爲礪

瑚簋之器

哀十一年左傳云胡簋之事杜注胡簋禮器名夏曰瑚周曰簋按禮記明堂位云殷之六瑚周之八簋

朝祭之服其始也乃山野之木蠶繭之絲耳

禮記月令云蠶事既

登分繭稱絲效功以共郊廟之服說文云繭蠶衣也絲蠶所吐也

使巧倕

山海經海內經云倕均是始爲巧倕是始作下民百巧書堯典作垂

加繩墨而制之以斤斧女工加五色而制之

以機杼則皆成宗廟之器。黼黻之章。鹽鐵論殊路篇云。孔子曰。頌不頌。頌哉。頌哉。故人事加則爲宗廟器。淮南子說林訓云。黼黻之美。在于杼軸。羣書治要載尸子勸學篇云。夫蘭舍而不治。則腐蠹而寒。使女工繅之。

以爲美錦。大君服而朝之。可羞於鬼神。可御於王公。差。舊作著。据治要改。隲三年左傳云。可羞于王公。可薦于鬼神。而況君子敦貞之質。察敏之才。大戴禮五帝德云。長而敦敏。

攝之以良朋。詩既醉云。朋友攸攝。常棣云。每有良朋。教之以明師。漢書董仲舒傳云。興太學。置明師以養天下之士。文之以禮樂。論語。導之以詩書。讀之以周易。

明之以春秋。治要。讀上有幽字。王先生宗炎云。明下有脫字。當與幽讀對。其不有濟乎。有字舊脫。据治要補。程本作不有。晉語。胥臣曰。實將善而賢良贊之。則濟可竣。詩云。題彼鵲鵲。載飛載

鳴。我日斯邁。而月斯征。夙興夜寐。無忝爾所生。小宛。鵲鵲。今作督令。是以君子終日乾乾。進德修業者。易乾文言。非直爲博

已而已也。淮南子精神訓高誘注。直。猶但也。博已。卽論語言博我。蓋乃思述祖考之令問。而以顯父母也。孝經云。立身行道。揚名于後世。以顯父母。引大雅云。無念爾祖。聿修厥德。按毛傳云。

述。聿。孔子曰。吾嘗終日不食。終夜不寢。以思無益。不如學也。耕也。餒在其中。學也。祿在其中矣。君子憂道不

憂貧。論語。箕子陳六極。書洪範。國風歌北門。詩衛風。故所謂不憂貧也。豈好貧而弗之憂邪。蓋志有所專。昭其重

也。是故君子之求豐厚也。傳廿四年左傳云。豐厚可也。非爲嘉饌美服。淫樂聲色也。莊子至樂篇云。所樂者。身安厚味美服好色音聲也。乃將以底其道

孫侍御志祖云底與敦同。而邁其德也。莊八年左傳夏書曰臯陶邁其德。夫道成於學而藏於書。學進於振而廢於窮。王侍郎紹蘭云振當作賑說文

云賑富也。賑窮對文下文。是故董仲舒終身不問家事。見漢書凡史記兩漢書有列傳者云見某書景君明經年不出戶庭。漢書京房字君明賢難篇考績篇並

家富也。身貧也是其證。稱京房景京通用。得銳精其學。方言後劉子駿與揚雄書云經年銳精以成此書而顯昭其業者。家富也。富佚若彼而能勤精若此者。漢書

急就篇有景君明。董仲舒傳云蓋三年不窺園其精如此。呂氏春秋博志篇云蓋聞孔子墨翟畫

日諷誦習業夜親見文王周公旦而問焉用志如此其精也。高誘注精微密也。材子也。文十八年左傳云有才于八人才與材通倪寬賣力於都巷。若

作養漢書云倪寬詣博士受業貧無資用常爲弟子都養顏師古注都凡衆也。養主給蒸炊者也。一切經音義六引蔡邕勸學注云傭賣力也。匡衡自鬻於保徒者。漢書云匡衡好學家貧庸作以供資用按藥布傳云窮困賣庸于齊爲酒

家保孟康注保庸也可保信故謂之保。身貧也。貧阨若彼而能進學若此者秀士也。禮記王制云命鄉論秀士升之司徒當世學士。漢書董仲舒傳云學士皆師尊之恆以

萬計而究塗者。爾雅釋言云究窮也究塗言非半途而廢也無數十焉其故何也其富者則以賄玷精貧者則以乏易計或以喪亂

其其年歲。莽疑稽之誤後漢書列女傳樂羊子妻曰稽廢時日此其所以逮初喪功而及其童蒙者也。及疑反之誤荀子不苟篇云獨行而不舍則濟矣濟而材盡長遷而不反其初則化矣楊

倖注既濟則材性自盡長遷不反其初謂中道不廢也王先生云逮疑違是故無董景之才倪匡之志而欲強捐身出家曠日師門者。鹽鐵論相刺篇云七十子之徒去父母捐

室家負荷而隨孔子。漢書酷吏傳。鄧都曰。已背親而出身。固當奉職。韓信傳云。曠日持久。後漢書桓榮傳。顯宗報書云。去家墓鄉。求謝師門。必無幾矣。幾。讀爲冀。韓非子姦劫弑臣篇云。冀千鈞之重。陷於不測之淵。而求生也。必不幾矣。夫此四

子者。耳目聰明。忠信廉勇。未必無儔也。爾雅釋詁云。仇。匹也。儔。爲仇之假借。而及其成名立績。韓非子功名篇云。明君之所以立功成名者四。爾雅釋詁云。績。功也。德音

令問不已。詩南山有臺云。德音不已。文王云。令問不已。釋文。聞音問。漢北海淳于長夏承碑。作令問不已。而有所以然。夫何故哉。漢書賈誼傳云。誼具道所以然之故。徒以其能自託於

先聖之典經。禮記文王世子云。凡始立學者。必釋奠於先聖先師。漢書藝文傳云。竊以開道於先師。自託於經術也。後漢書胡廣傳云。稽之典經。結心於夫子之遺訓也。禮記祭義云。結諸心。周語云。必問於遺訓。

是故造父疾趨百步而廢。自舊作而。何本。改作使。並誤。託乘輿。孟子云。今乘輿已絕矣。坐致千里。水師泛軸。周語云。水師監灋。韋昭注。水師掌水。軸當作軸。謂軸轅也。說文云。漢

律名。船方長爲軸。轅。王先生云。軸。車軸。所以持輪者也。解維則溺。方言云。維之謂之。鼎。郭注。繫船爲維。自託舟楫。坐濟江河。是故君子者。性非絕世。善自託於物

也。荀子勸學篇云。假輿馬者。非利足也。而致千里。假舟楫者。非能水也。而絕江河。君子生非異也。善假於物也。大戴禮勸學篇。生作性。韓非子姦劫弑臣篇云。託於犀車良馬之上。則可以陸犯阪阻之患。乘舟之安。持楫之利。則可以永絕江河之難。此託字所本。人

之情性。未能相百。而其明智有相萬也。此非其眞性之材也。必有假以致之也。韓詩外傳四云。人同材鈞。而貴賤相萬者。盡心致志也。說苑建本篇

云。質性同倫。而學問者智。君子之性。未必盡照。史記李斯傳云。陛下富於春秋。未必盡通諸事。徐廣曰。通。或宜作照。及學也。聰明無蔽。心智無滯。前紀帝王。顧定百

世。荀子儒效篇云。鄉也效門室之辨。混然曾不能決也。俄而原仁義。分是非。圖回天下於掌上。此則道之明也。而君子能假之。而辨白黑。豈不愚而知矣哉。不苟篇云。君子審後王之道。而論於百王之前。若端拜而聽。

以自彰爾。夫是故。道之於心也。猶火之於人目也。墨子經說下篇云。智以目見。而目以火見。中穿深室。幽黑無見。及設盛燭。則百

物彰矣。禮記仲尼燕居云。譬如終夜有求於幽室之中。非燭何見。此則火之耀也。非目之光也。而目假之。則爲已明矣。舊脫已字。依下文例補。天地之道。

神明之爲。易繫辭下傳云。陰陽合德而剛柔有體。以體天地之撰。以通神明之德。不可見也。學問聖典。心思道術。荀子哀公篇。孔子曰。所謂士者。雖不能盡道術。必有率也。禮記鄉飲酒義云。古之學術道

者。將以得身也。鄭注。術猶藝也。則皆來覩矣。此則道之材也。非心之明也。而人假之。則爲已知矣。是故。索物於夜室者。莫良

於火。管子君臣上篇云。猶夜有求而得火也。索道於當世者。莫良於典。典者。經也。太平御覽六百八引釋名云。經。徑也。常典也。先聖之所制。先聖得道之精

者。以行其身。欲賢人自勉。以入於道。故聖人之制經。以遺後賢也。漢書翼奉傳云。臣聞之於師曰。天地設位。懸日月。布星辰。分陰陽。定四時。列五行。以視聖人名之曰。

道。聖人見道。然後知王治之象。故畫州土。建君臣。立律歷。陳成敗。以視事物紀原七賢者。名之曰經。賢者見經。然後知人道之務。則詩書易春秋禮樂是也。譬猶巧倮之爲規矩準繩。以遺後工也。引尸子云。古

者。倮爲規矩準繩。使天下倮焉。昔倮之巧。目茂圓方。茂當作成。禮記仲尼燕居云。目巧之室。鄭注。目巧。謂但用巧目善意。作室。不由法度。韓非子有度篇云。巧匠目意中繩。皆目成圓方之意。心定平直。又造規

繩矩墨。以誨後人。試使奚仲公班之徒。

定元年左傳云。奚仲居薛。以爲夏車正。公班。卽禮記檀弓公輸般。

釋此四度而倣倂自制。必不能也。

淮南子修

務訓云。無規矩。雖奚仲不能以定方。圓。無準繩。雖魯般不能以定曲直。

凡工安匠。口規秉矩。

空格。程本作執。蓋以意補之。他皆倣此。

錯準引繩。

說文云。措。置也。經典多假借用錯。

則巧同於倂。

韓非子用人篇云。去規矩而妄意度。奚仲不能成一輪。廢尺寸而差短長。王爾不能半中。拙匠守規矩尺寸。則萬不失矣。

是故倂以其心來制規矩。

舊脫故字其字。依下文例補。

後工以規矩。

以上五字

舊脫。盧學士補。

往合倂心也。故度之工。

度上脫一字。王先生云。疑脫信字。孟子云。工不信度。

幾於倂矣。

王先生云。幾上疑脫巧字。

先聖之智。心達神明。性直道德。又

造經典。漢書孫寶傳云。著於經典。

以遺後人。試使賢人君子。釋於學問。抱質而行。

淮南子經稱訓云。懷情抱質。

必弗具也。及使從師就學。

按經而行。後漢書班彪後固傳東都賦云。案六經而校德。李固傳云。俯案經典。按與案通。依也。

聰達之明。德義之理。亦庶矣。是故聖人以其心來造經典。

造程本作

就。

後人以經典。

以上五字。盧補。

往合聖心也。

舊脫也字。依上文例補。

故修經之賢。

漢書儒林傳序云。諸儒始得修其經學。

德近於聖矣。詩云。高山仰止。

景行行止。

車

日就月將。學有緝熙於光明。

敬

是故凡欲顯勳績揚光烈者。

書立政云。以觀文王之耿光。以揚武王之大烈。漢書外戚傳班婕妤賦云。揚光

烈之禽。結句。

莫良於學矣。

務本第二

凡爲治之大體

治舊作人。據治要改。北堂書鈔卅九引。亦作治。韓非子有大體篇。漢書鼂錯傳云。明於國家之大體。

莫善於抑末而務本。莫不善於離本而飾末。呂氏春秋孝行

覽云。凡爲天下。治國家。必務本而後末。

夫爲國者。以富民爲本。

管子治國篇云。凡治國之道。必先富民。民富則易治也。民貧則難治也。

以正學爲□。

禮記學記云。古之王者。建國君民。教學爲先。史記儒林傳。轅固

曰。公孫子務正學以書。無曲學以阿世。空格。程本作基。

民富乃可教。

論語。冉有曰。既富矣。又何加焉。子曰。教之。說苑建本篇。河間獻王曰。管子稱倉廩實。知禮節。衣食足。知榮辱。夫穀者。國家所以昌熾。士女所以姣好禮義。所以行而人心所以安也。

尙書五福。以富爲始。子貢問爲政。孔子曰。富之。既富乃教之也。此治國之本也。漢書食貨志云。食足貨通。然後國實民富而教化成。

學正乃得義。民貧則背善。

鄧析子無厚篇云。凡民有穿窬爲盜者。有詐僞相迷者。此皆生於不足。起

於貧窮。學淫則詐僞。呂氏春秋知度篇云。至治之世。其民不淫。淫學流說。高誘注。不學正道爲淫學。

入學則不亂。得義則忠孝。故明君之法。務此二者。以爲成

太平之基。致休徵之祥。

禮記仲尼燕居云。天下太平。書洪範曰。休徵。漢書董仲舒傳云。諸福之物。可致之祥。莫不畢至。楚元王傳劉向封事云。百異消滅。而衆祥並至。太平之基。萬世之利也。藝文類聚五十二引此文。祥作隆。

夫富

民者。以農桑爲本。以游業爲末。

管子五輔篇云。明王之務。在於強本事。去無用。然後民可使富。治國篇云。先王知衆民強兵。廣地富國之必生於粟也。故禁末作。止奇巧而利農事。牧民篇云。務五穀。則食足。養桑麻。育六畜。

則民富。漢書文帝紀。二年詔曰。農。天下之大本也。民所恃以生也。而民或不務本而事末。故生不遂。昭帝紀。元平元年詔曰。天下以農桑爲本。

百工者。以致用爲本。

易繫辭上傳云。備物致用。立成器以爲天下利。以巧飾爲